

রাজপুত্র

গভীর নিশীথে ঘুম, সব্বাই নিব্-ঝুম। একা তবু রাত কেউ জাগবেই।
দানবীয় স্বার্থের যাঁতাকলে আর্তের গোঙানীর তীর বুকে লাগবেই॥

বাগান হোকনা শত ঝড়ে ক্ষত-বিক্ষত, নামহীন কোন ফুল ফুটবেই।
অমৃতের আস্থানে মৃদু গুন গুন গানে কলিতে অলিরা এসে জুটবেই॥

যুগের নিনাদে শালা, কান হোক ঝালাপালা, অন্তর্বাণী কেউ শুনবেই,
আগাছা উপড়ে ফেলে, সযত্নে পানি ঢেলে, স্বপ্নের বীজ কেউ বুনবেই।

শতাব্দী-সঞ্চিত ক্ষুধার্ত বঞ্চিত, মরণ-কামড় দিয়ে ধরবেই।
মানবের অধিকার রক্ষায় দানবের সাথে কেউ প্রাণপন লড়বেই॥

পথ হোক দুঃসহ, দুর্গম ভয়াবহ, দু'এক পথিক পথ চলবেই।
নিকষ অন্ধকারে বোধের বন্ধদ্বারে বিদ্রোহী কিছু দীপ জ্বলবেই॥

উৎসর্গঃ - বাংলার বামপন্থী উচ্চা - সৈয়দ আবুল কালাম-কে
৯ মার্চ, ৩৩ মুক্তিসন।